



Broj: 04-40-1-261/25  
Sarajevo, 19.09.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

**REDOVNI IZVJEŠTAJ**  
**za period od 08:30 sati 18.09.2025. do 08:30 sati 19.09.2025. godine**

U izvještajnom periodu Kantonalni operativni centar civilne zaštite zaprimio je dvije informacije o pronalasku NUS-a i to:

- dana, 18.09.2025. godine u 14:57 sati od Službe civilne zaštite Općine Ilidža, da je prilikom izvođenja zemljanih radova u dvorištu fakulteta IUS, pronađena jedna protupješađijska mina;
- dana, 18.09.2025. godine u 17:00 sati od Policijske stanice Centar, da je u ul. Alipašina bb, pronađeno više komada NUS-a.

O primljenim informacijama obaviješteni su pripadnici Tima za UES Federalne uprave civilne zaštite, koji su navedena neeksplozirana ubojna sredstva preuzeli isti dan.

**Kantonalna uprava civilne zaštite Kantona Sarajevo:** Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 11 manjih intervencija: četiri na gašenju zapaljenog smeća u kontejneru, dvije na gašenju zapaljenih automobila i pet obezbjeđenja na Međunarodnom aerodromu Sarajevo.

**Općinski operativni centar civilne zaštite Stari Grad:** Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 18.09.2025. godine, utvrdili su slijedeće stanje:

**1. Curine njive (Opština Istočni Stari Grad i Općina Stari Grad Sarajevo – Bostarići):**

Uočene su geološke promjene, uključujući formiranje pukotina uslijed atmosferskih uticaja i pucanja tla (na dijelu “Curine njive ispod igrališta” – dio šumskog zemljišta).

Vizuelnim pregledom klizišta utvrđeno je na terenu da nema novih pukotina niti drugih znakova aktivacije većih pomjeranja tla. U odnosu na raniji period, stanje je stabilnije jer je uočeno da je u tlu prisutno znatno manje vlage. To se dovodi u vezu sa prestankom padavina i povoljnim

vremenskim uslovima u proteklim danima. Ipak, dotok vode iz pravca deponije i dalje postoji te se ista usmjerava u drenažni kanal. U donjem dijelu klizišta ispod igrališta erozija tla je i dalje izražena dok je na području iznad rasadnika zemljište osjetno natopljeno zbog završetka drenažnog kanala, iz kojeg voda neprekidno ističe i zasićuje tlo.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

## 2. Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. U donjem dijelu deponije i dalje je vidljivo prisustvo vode, što upućuje na nedovoljnu kontrolu površinskih i podzemnih voda.

Na lokalitetu deponije uočeno je da je došlo do smanjenja vlažnosti u tlu nasipa, što je posljedica povoljnih vremenskih prilika i odsustva novih padavina. Iako je količina vlage manja, erozija nasipa je i dalje prisutna i zahtijeva stalno praćenje. U donjim dijelovima deponije i dalje su prisutne plavne i blatnjave površine, kao i manji dotok vode u obliku potoka. Pregledom, rigola iznad ceste je prazan i bez prisustva vode, što potvrđuje smanjeni dotok iz viših dijelova terena.

Ocjena rizika: Slijeganje deponijskog materijala i erozija usljed atmosferskih uticaja.

## 3. Bistrički potok (Općina Stari Grad Sarajevo – Boguševac i Opština Istočni Stari Grad):

Korito potoka je i dalje djelimično zatrpano zemljano-kamenim materijalom i obrušenim stablima. Nisu evidentirane nove degradacije, niti su poduzete aktivnosti na uklanjanju postojećih prepreka. Pregledom korita potoka utvrđeno je da nema dotoka vode iz pravca Trebevića, dok je iz kaptaze pored mosta registrovan povećan izliv vode koja se prijeljeva u korito

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

## 4. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

**Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija** nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

**JU Zavod za javno zdravstvo Kantona Sarajevo:** Broj oboljelih u Kantonu Sarajevo od Leptospiroze na dan 18.09.2025 godine prikazan je u sljedećoj tabeli:

| Ukupan broj oboljelih od Leptospiroze u Kantonu Sarajevo - Stanje na dan: 18.09.2025. godine | Broj prijavljenih slučajeva Leptospiroza po općinama |        |        |            |               |        |         |         |
|----------------------------------------------------------------------------------------------|------------------------------------------------------|--------|--------|------------|---------------|--------|---------|---------|
|                                                                                              | Novi Grad                                            | Centar | Ilidža | Stari Grad | Novo Sarajevo | Ilijaš | Vogošća | Hadžići |
| 119                                                                                          | 80                                                   | 13     | 9      | 6          | 7             | 1      | 2       | 1       |

**Elektro distribucija Sarajevo:** Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

**KJKP Sarajevogas:** Svi potrošači u Kantonu Sarajevo su uredno snabdjeveni prirodnim gasom.

**KJKP Vodovod i kanalizacija:** Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

**Federalni hidrometeorološki zavod:** Jutros u 08:00 sati temperatura u Sarajevu na mjernoj stanici Bjelave je iznosila 12°C, vlažnost zraka 77%, barometarski pritisak 955,5 hPa.

**BIHAMK:** Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja manifestacije na saobraćajnicama Hadželi i ul. Zlatnih ljiljana (Hadžići), danas se obustavlja saobraćaj od 16:00 sati do 23:59 sata. Za vrijeme obustave vozila će saobraćati alternativnim saobraćajnicama.

Zbog rekonstrukcije i izgradnje hidrantske mreže saobraćaj je obustavljen u ulici Reljevska, a saobraćaj je preusmjeren na alternativne pravce.

**Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH,** gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA  
ŠEF CENTRA

**Fahrudin Pribišić**

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a